

103



丁戌之間行卷

古今體詩

雜言三十首

目長一寸能察九州身短六尺能行千秋能察九州田暗
得顯能行千秋由近得遠

不讀書不如賈不知命不如瞽不守身不如女

相彼鸚鵡語言非不工相彼翡翠文采非不豐樊籠幽之
工乃其拙矣網羅讎之豐乃其害矣

營營求福似福者禍孳孳求功似功者過

匪貧於無財而貧於無才匪賤於無識而賤於無識無才
之貧乞匄輕之無識之賤與儻凌之

朝憇惡木匪刺我襟惡木之陰豈無僉壬夕浴盜泉匪濫

丁戌之間行卷

卷七

我履盜泉之渙豈有君子

有德在人君子忘彼有功在人君子忘己縣德於口恩反
斂讎倚功於顏榮反貽羞

繁花不開春之福好月不圓秋之祿美璞不斲玉之壽高
才不達士之富

聖人治世常使世有闕憾賢者治身常使身有憂患無闕
憾其闕憾必多無憂患其憂患奈何

與臣談忠與子說孝內以例身方知其要有妻啼飢育兒
號寒外以例世方知其艱

鏤龍不如鰥筴鳳不如雁羈縻聖賢不如貧賤秦養英雄
不如誅竄

甯觚而阜不圓而卿甯藹而夭不鮑而彭甯倔彊而蹶不



依附而興

一身無事平其氣一家無事平其意一國無事平其制天下無事平其利

幽有鬼神愚者求福明有君相智者干祿維幽與明固無了期維求與干亦無已時

朝有萬員不如無官誰趨其危而避其安史有千代不如無載誰取其法而棄其戒

學亂多弟政亂多隸朝亂多吏野亂多婢

欲殺子不必仇但一奴欲賊家不必盜但一媼

犬吠則凶忘其爲忠世有湯武龍比難容誰語則令忘其爲佞古有舜堯驩共不幸

豈有龍鸞而遭笞械豈有猿鶴而乘軒蓋軒蓋非榮猿鶴

丁戌之雷行卷

卷七

二

之羞笞械非辱龍鸞之愁

何事不可爲必欲爲人徒師三公終易渝未若師盜跖之保軀何事不可爲必欲爲人弟兄五侯竟難恃未若兄孔方之得計

犬則食臭猶棄其餘蛾則撲燄猶避其初彼犬所棄人或茹矣彼蛾所避人或趨矣

富窘不若貧裕貴恭不若賤倨飽散不若飢聚碧海三千安知非路朱樓十二安知非墓昏星三兩安知非曙明霞萬重安知非暮

我嘗思之生以前生有所始何者爲緣我嘗思之生以後生有所終何者爲壽

命所存莫能競求仙亦須有仙命緣所在難可遷作佛亦

須有佛緣知命卽仙隨緣卽佛豈必絕人豈必離物

雖有賢哲無情不生無情而生必也白丁雖有庸愚無慾不死無慾而死或者赤子

聖不夜行爲疑於盜賢不晝寢爲疑於毫晝寢之家必耽楞蒲夜行之身必懷苞苴

愚者疑世智者忽怯者忘身勇者屈暴者惜物仁者殺

老行萬里不如少伏一案祖貽萬金不如孫守一卷

文無眞骨憑威藉福文無至心佯歌僞哭佯歌而僞哭優也同性情憑威而藉福隸也同功名

兩日過寂物態不呈對花飲酒吾愛吾晴晴日過喧人事相迂掃葉讀書吾愛吾雨

遊仙詩

丁戌之間行卷

卷七

三

蟻擾槐安睡正濃偷閒來聽上方鐘却從冷月旁邊看碧海紅塵莽萬重

星河無便達鱗函更倚香雲喚鳳驂行到綠楊天一角曉風殘月似江南

王家樓閣碧參差中有么鬢絕代姿試隔紅麝深夜聽一鐙如豆話相思

步虛聲裏捉迷藏小隊如花不斷香誰倚鵝屏呼祕字第
三神女玉卮娘

蕊珠宮裏有情僊飄泊千春亦可憐自向衙城分手後吹簫各一餞摩天

話到滄桑第幾回東風昨夜杏花開小樓恰傍天街起

翦紅鐙聽雨來

鬢天風緊悄憑欄手整明珠八寶冠空際嫩鶯啼不住碧
雲如屋鎖春寒

綠章奏罷事鸚鵡憑天上桃花隔武陵畢竟罡風吹又落殘
紅堆滿一層層

手翦鸞翎扎箒又輓紅從不到窗紗東風曉喚神嬰起三
十三天掃落花

散花人去夢成煙一霎東風五百年吹到鵝笙春欲老冷
紅堆裏葬詩仙

想見環妃半醉時仙山樓閣雨如絲人天別有華清夢一
騎紅雲捧荔枝

晚涼來聽下方蛙隔水疎闌指舊家三十六天香不斷碧
雲開滿妙蓮花

丁戌之間行卷

卷七

四

靈河兩岸夜停橈雨氣斜通下界潮欲泛仙查尋織女阻
風中酒太無慆

仙家夫婿慣清貧兒女愁聯上界姻只有黃姑眞解事焚
香夜夜禮錢神

秋寒病酒玉顏降縮本瀟湘水墨窗惆悵碧天時獨立單
情如月不曾雙

梅花開到海西頭珍重幽香莫浪偷三萬冷紅人一箇獨
和么鳳語春愁

海氣全收鏡裏形神山疊碧水孤青酒闌更倚之眾望指
點人天一葉萍

漫從天上應盲科磨蝎宮中幾剎那苦替文人爭九命秋
風更向玉樓多

瑤池西畔訪雙成纔到銀灣月更明多分今宵船未泊碧
空搖櫂過秋聲

瓊樓宴罷理歸裝萬古情天一碧荒我勸麻姑到東海多
栽紅豆少栽桑

八琅靈曲唱忽忽燭泪成堆作冷虹驀地月斜歌舞散曉
啼過上清宮

夢中仙樂正堪聽玉女投壺笑不停十二萬年天一醉奈
他呵壁屈原醒

集玉谿生四首

颯颯東風細雨來長眉畫了繡簾開莫將越客千絲網用
盡陳王八斗才海濶天飈迷處所廊深閣迴此徘徊蓬山
此去無多路青雀西飛竟未迴

丁巳之間行卷

卷七

五

睡鴨香鑪換夕熏雲屏不動掩孤嚔紅樓隔雨相望冷錦
瑟驚絃破夢頻刻意傷春復傷別可堪無酒又無人空留
暗記加蚕紙半爲當時賦洛神

月姊曾逢下彩蟾慢妝嬌樹水晶盤蝶銜紅藥蜂銜粉犀
辟塵埃玉辟寒何處更求迴日馭孤星直上和風竿豈知
一夜秦樓客相見時難別亦難

六曲連環接翠帷日西春盡到來遲深知身在情長在莫
遣佳期更後期誰與王昌報消息非關宋玉有微辭昔年
曾是江南客濩落生涯獨酒知

玉姬製簪索詩

空谷無人到天寒但補蘿年年餐竹實青鳳忍飢多
明月夢移家谿流一半花仙山原有約偕隱飯胡麻

只有

可憐無計報春光，屢奏通明殿上章。
南浦送迎鷗太息，東風去就燕商量。
廢興槐國資青史，褒貶花天擬素王。
只有閒情銷未盡，遊仙詩寫杜蘭香。

容園十四詠

誠齋

筍鞋看竹朋，苔帚掃花吏。
習靜掩齋扉，百蠻歸臥治。
東風吹夜郎，已有太和氣。
燕寢自清香，撞天皆綠意。

蔭青箴

洗桐剎綠字，掃葉烹紅泉。
斜陽不到處，竹路生秋寒。
向晚碧雲合，美人如在前。
春陰倘可借，九拜將箋天。

韻廊

丁戊之間行卷

卷七

六

尋秋丁字廊，詩夢若先熟。
霜花畱古紅，風葉隊今綠。
鳴牒音楚然，月斜人影獨。
欲寫瑤華篇，因之寄空谷。

飛秋閣

朝陽東南出，紺碧凌飛臺。
秋色西北來，蒼翠迷邊程。
青山萬里戍，白屋千家耕。
憑高忽歎息，不爲聞簷箏。

容舸

江南豔游天，處處開紅舸。
風月豈不佳，常與醉夢左。
翻讓此境閒，琴牀對鷗坐。
黃篋舫一間，白荷花萬朵。

烏白隄

老樹堪繫艇，其下聞淙淙。
冥濛綠陰底，秋意疑空江。
如坐六柱船，左右支墜窗。
奇景慎勿失，寶此明月雙。

淨納亭

水亭殘暑消晚步起幽颯鶴意似聽詩仙雲滿身重欲抱
青琴彈微波悄然動綠顛一鏡來蕉陰話秋夢

南州榻

狂花忽滿屋掃榻今雨來停雲久悵望薄暮斜扉開絃吹
秋響竹履綦春印涪孰謂山國中無地容仙才

晁顧樓

飛翠不可扁雲來臥其上煙嵐亦世情變幻日千米政成
閒倚樓秀句奪蠻瘴早有看山詩付與龍家唱

延清芬室

憑闌水香到似赴幽齋期翛然無點塵蛩語侵生衣煙中
若有人獨立吹參差夢入萬花深冷霞紅一圍

濟帥

丁戊之間行卷

卷七

七

如聞盪漿聲星墮湖光黑明月招未來一屣秋影隔開遍
水芙蓉幽紅自成國采采欲貽誰涼波渺天末

昶軒

幽軒三面綠窈窕藏雲蘿添種竹數竿居然小東坡園亭
微雨後涉覽生春和芳草欲成煙晴空疎翠多

四咨館

籌邊資遠謨闢此招賢館雅抱兼月澄高才肖霞衍春颺
蠕蘇肌秋電泉脾膽夜寒翦燭花一語萬家煖

汜可堂

眞宰示悔禍哲匠謀代工能以一念消水火刀兵虹獨立
緩帝頰每飯把臣衷不朽哉斯堂蠻天相始終

容園草木雜詠

榕陰百盤鬱積健爲高標飛天掣電腳裂地箱雲腰老蒼
萬古色鐵氣虹身交本有歲寒節而非矜後彫風雪不能
殺以爲眾鳥巢

格

百尺生無枝高青補秋空昨夜畫簷涼商聲半天送萬里
吹桐花十年養雛鳳雅材獻清廟爲帝琴瑟用慎勿爨下
投秋魂抱雲痛

梧桐

此君善醫俗尤與官舍宜偶來林下坐涼綠侵秋眉水風
欲搖屋碧雲人倚之楚波夢千頃中有湘靈祠所思望不
來日暮吹參差

竹

何人祇浣根手種此烏臼殘鴉忽墮地幾寸壞雲厚暝色
空際來蒼然一亭受木杪縣斜陽微紅似中酒歲歲話秋
晴霜風醉重九

烏臼

玉成之間行卷

卷七

八

園林積煙雨萬綠成一天夜來忽淒瑟度盡流雲媽飛愁
倚空立瘦碧秋魂旋猶將抱寸心展向西風前畫理得禪
悟令人思輞川

蕉

天香忽吹衣秋夢欲聞磬金粟晚成堆飛香一雲定小山
青向人招隱幾時詠路入古淮南霜天裹蒞淨宵來風雨
寒愁折瑤華贈

桂

且蘭鴛僻地隱谷多崎莖眞香故不死古怨撞天盛萬山
幽綠閉瘴雨飄瑤情東風昨夜來雪盡蠻江清湘人隔波
路躡月聞吹笙

蘭

千葉千佛身一花一仙掌涼意花當中香光月初上鏡鏤
啟秋關流雲水聲響悠然煙江思淨綠圍半舫銷夏此眠

琴南薰置高想

荷

絲簾織寒雨瘦景歸吟蛩玉階金井外積此暝色重十年
花下酒彈泪因西風眞身獸不壞晚節誰能訂我思陶彭
澤乃在東籬東

菊

此花開獨遲知已一生雪萬古夜郎天飛到江南月淑入
羞自媒高士懷難褻偶爾占春先孤山徑非捷玉笛倚香
吹南樓曉寒色

梅

容園草木續咏

幽軒匿孤紅夢入花路暗闌干無客到讓與明月占涼露
不滿衣仙情倚空澹金尊休寂寞猶恐芳意暫持謝玉堂

人山齋亦清豔

紫薇

何必桃李園何必花萼樓中庭紫荆樹霞色枝相樛微葩
偶然值遇合皆有由矧爲一本出而匪三生修春雲碧不

長之問行卷

卷

九

盡花外生油油

紫荆

一蝶忽飛來能使花有致含愁欲風天照影無月地我見
猶生憐封姨忍爲厲誰知時世妝轉被穠華累苦李如可
爲甘心道旁棄

李

江南二三月洞口千重霞勝景已如夢荒山猶自花東風
若相引紅入蠻天奢生非避秦世到處春爲家竹籬茅舍
閒未比仙源差

桃蕊

嘉樹產蜀中移根翠不改白花飽經霜蓄此歲寒彩獨蒙
皇天慈若與朱夏待東園樹樹金一醉猶可買他日署園

官無忘長卿在

枇杷

海西萬里路遠逐仙查來紅雲猶滿身一笑天爲開山南
晚流豔顧影方徘徊曾從王母庭照入流霞杯瑤池曷歸

去人世多風災

樞花

秋花似靜女正色不可外園中有高葵亦秉金氣顯淡倚
道家妝嫩黃衣乍翦自抱心無衰遇時思一展籬角獨來
時斜陽大如碗

葵

吾家李衡洲秋色常老蒼舊遊柳毅并仙夢多荒唐山城
感遲暮一樹忽已黃如入西洞庭夜寒天有霜篝鐙起箋
騷楚頌孤亭荒

橘

美人怨秋寒獨立天欲曉酒醒西風多湘祠但啼鳥支持
絕代豔轉覺霜意好濃情感悅已知遇甯在早遠道寄無
由相思碧天老

芙蓉

綠春悵不歸短髮風前梳荒寒縮江色雪意如可呼平生
搖落感對此安能無隋隄與吳苑回首多棲鳥歸哉讀書

丁戌之間行卷

卷七

十

堂秋樹今扶疎

楊柳

子夜歌

青谿作妾淋白月作歡面夜夜出當心天明不相見
鴛鴦繡作帶胡蝶繡作裙東風吹裙帶切莫兩邊分
取釵插鑪灰欲寫相懷思灰亦有滅時相思誰知之

巫山高

巫山高湘水深望不來傷春心東風飄雲墮靈瓦屏腰鬪
夢蒼梧野篁陰碧暗無寸天不聞人聲但聞馬暮雨瀟瀟
何處郎冷落一尺生幽牀

君馬黃

君馬黃我馬白我馬食草草長一尺草長刺破口不食饑
已久起視君馬飽芻與豆一日數升十日數斗君馬肥我

馬瘦安知他日臨戰場我馬不如君馬良

戰城南

戰城南雪沒膝北風吹刀刀無力飛顛上天抱雲泣男兒
死沙場猶勝階下囚焉能效主帥無功坐封侯此時賤妾
空閨裏月照流黃織未已只盼王師塞上還誰知夫婿軍
前死夫婿重捐軀不重妻與孥傳聞漢天子將卹羽林孤
戰城南日欲晡君不見一將功成萬骨枯

飲馬長城窟

飲馬長城窟其下多白骨白骨爲人時腰弓奪馬騎

解一

騎馬旋戰沒遺孤羽林籍飲馬者爲誰卽是白骨兒

解二

牽馬就水邊馬嘶不肯飲上有新鬼血下有昔鬼影

解三

北風吹水立中有痛哭聲勸君勿飲馬竊恐長城傾

解四

丁戌之間行卷

卷七

十一

明太祖小樂府

皇覺寺

漢高帝明高帝兩家都在江南沛一官泗上亭一僧濠上
寺鳳陽城裏髡龍潛舉大事耳何須占論功首合封伽藍
世間怪事甯有此皇覺寺僧作天子

鄱陽湖

救安豐建業空乘虛直擣事危矣友諒見固不及此不趨
南都而趨南湖十張定邊胡爲乎沔陽漁子誠乃愚嚮來
眞主神靈有能使羣雄智勇無

蔡福壽

秦淮戰血春波腥蔣山戰骨如山青文雲如龍武如虎眞
人已作江南主雲臺御史元忠臣力戰而死酬君恩前有

余關後福壽史筆勿謂元無人應天城蕘福壽二百餘年
士氣厚若論忠臣明更有

齊雲樓

閭門日黃鼓聲死十條龍泣秋潭水火光照見齊雲樓中
有虹如美人起大王不肯受甬東賤妾死亦依吳宮夜半
貞魂蹋空語冷霞自碧蓮花紅屨廊娃館東風熱齊雲樓
壞無人識楊柳蘇天好顏色

奇男子

能臣常開平不能臣察罕甥塞北江南三萬里當時僅一
奇男子並世眞人作知己眼中不識朱元瑞何況紛紛功
狗輩易得興朝將相才難錯亡國英雄氣鄱陽湖建業都
假王骨壞降王枯和林之捷天下無秋草連天雁門道至
丁氏之間行卷 卷七

今尚說王保保

作佛事

陛下天下父妾辱天下母不嗜殺人傳片語多少帝王能
道否明三百年功在后夫婦相保易君臣相保難此語萬
古同一泣英雄骨冷功名間爲宋先生作佛事保全他多
如此類異哉漢乃有呂雉

吾子房

劉先生吾子房帷幄語祕多難詳高皇雄才善將將獨惜
一時艱擇相不相犁眉公而相胡惟庸此時意謂基峻隘
債轅豈記前言在咄哉死爲蒼生憂恨未生從黃石遊

禽言

姑惡姑惡匪姑之惡而汝之薄

脫却布袴脫却布袴不如新人不如故
泥滑滑行不得行不得也哥哥泥滑滑奈何

瘦兒瘦兒汝父不知汝爲父時無忘瘦兒

得過且過得過且過天長日暖起相賀人生前定一飲一

啄北風打門雪片落君不見紇干山頭凍死雀

提壺盧提壺盧富貴不願執金吾但恨不作酒家胡

不如歸去不如歸去飽散雖樂不如飢歇人有故邱烏有

樹鴻飛冥冥不知處

夢中得花字韻

平遠秋光接水涯青鞋過處響蠻沙天陰易釀連宵雨地
暖常開四季花野戍羸兵眠月靜山樓稚子入雲譁晚來
黃葉堆中立清磬空林便當家

丁戌之閏行卷

卷七

三

夢中曇花字韻

幾處樞人候晚霞竹籬深掩一溪沙綠圍夜色渾如水紅
入秋心不是花樹頂靈祠諸佛寂崖腰占瀑四時譁相逢
最惜牽蘿女翠袖單寒未有家

再夢夢中韻

黯澹唵秋帽影斜江村竹路碧連沙鏡痕紅似春前豆人
面黃於病後花經院尋僧知有悟詩墻弔鬼戒無譁夜郎
不少騷魂任來往遊仙自一家

榕城雜詠

萬里東風到桃花滿戰場竹王無壁壘葛相有祠堂舞羽

今

天子吹笳古夜郎不圖煙瘴地重覩漢春光

君問前朝事浮雲玉墨邊五隄明斥堠百粵漢樓船野水
能通海山城別有天老兵頭欲白枕葉戍樓眠

趁墟人漸散山郭夕陽時父老談槃瓠兒童唱竹枝野紅
春燒早江黑夜漁遲誰識行險客蒼茫有所思

半郭皆山占雲多斷客蹤哦松丞似丐挑菜女兼傭市小
遲春稅溪寒急晚春路人驚虎過樵唱幸相逢

市遠人家少荒寒獨在宜魚龍江口屋鳥鼠樹心祠曉汲
窺蠻女春祈拜鬼師未妨安僻陋投老願居夷

早了催租事休教吏到盧小紅畱客飯半白課童書野祭
翁燔犬親迎婦跨驢土風猶渾噩未覺遠皇初

烏啼山路靜廢寺尚畱龕木偶神千百花枝女十三巫風
腥紙虎鬼雨涇金蠶我豈蠻參客瓠隅語漸諳

丁戌之間行卷

卷七

古

幾處間村落炊煙樹杪分蠻丁春種火稚子夜呼雲野吹
紅鵝管山歌黑蝶裙行逢田父醉久話意殷勤

繞郭蠻灘開縣巖鳥路通寺藏雲在外潮挾雨俱東水國
秋多雁山天夜有虹不堪頻遠望煙草碧連空

蠻山高不極鴉避瘴雲飛春雨種銅鼓秋霜繡鐵衣野花
惟自豔荒草比人肥那更聞長笛南征客未歸

荒煙堆戰地蕭瑟早成秋署冷官如蝨田荒婦當牛夕陽
天外嶺明月水西樓可有靈均侶閒來賦遠遊

金馬神靈接烏蠻道路通不因歸化日那得被華風訪古
蘆笙俗開邊蒟醬功將柯江上水無復見唐蒙

橫海將軍僕蠻夷大長佗安危才尚有成敗論如何史上
英雄盡天南魍魅多荒山聊弔古未敢怨蹉跎

但有文翁化，苗頑俗已消。花酣跳月女，莽淨咒風妖。東道
通今日，南人服漢朝。從來推上策，不在問嫖姚。

小隱

小隱依山市，榕陰地一區。但逢麋卽友，安識蝶非吾。薄願
求天應，奇才謝世呼。幽懷聊自寫，率爾一操觚。

頗疑人境外，寂寂對桑麻。扇寫遊仙草，瓶開供佛花。身閒
如出世，夢好不離家。何似桃源裏，悠悠度歲華。

得意忘欣戚，閒觀物理同。秋霜驅雁信，春雨奠鵲忠。睡美
常辭客，詩佳但告童。江湖多息壤，遲我信天翁。

酒罷鐙搖雨，高歌斫地哀。碧天圍夢任，青史送愁來。貧賤
無仙骨，文章有禍胎。憂生兼弔古，懷抱幾時開。

手鈔年少作，紅燭盡三條。縱不城封管，猶堪洞謚簫。壯懷
丁戊之間行卷

卷七

七

探月竈幽夢，感雲翹直道。才無益空催，綠鬢凋。

定中花雨滿，禪榻病維摩。摩鏡面藏雙月，琴心起一波。箋騷
鐙影澹，讀梵磬聲和。踏踏吟成否，流年本擲梭。

閒將書過日，醒眼厭重看。愛燕偏巢窄，嗔蛛爲網寬。花嬌
難有子，松勁早無官。一笑從吾傲，河干咏伐檀。

幽碧疑無路，山雲暗幾重。月窺春浣女，星識曉耕農。野靡
催雞唱，籬鐙過虎蹤。樵歌吾與爾，贈畲亦從容。

攜筇探古寺，影外一僧癯。栗熟猿增產，芝荒鶴減租。遊山
忘是客，照水認非吾。每向青峰裏，閒雲迹總俱。

一峰微斷處，疎翠隱人家。雲白欲無路，水紅知有花。補蘿
山女靜，探筍野童譁。好待黃精熟，攜鋤逐晚鴉。

幾處山樓近，斜扉掩寂寥。林風腥虎落，塘雨爛魚苗。客飯

添蔬供樵歸帶葉挑意行時負手斜照一村遙

仙佛空千卷漁樵自一科課蔬紅夢少訪樹綠年多冷覺蟾窺牖閒看燕補窠飲茶風味在自署苦頭陀

小閣支牀臥浮雲變幾回水流今代去山見古皇來嗚月存仙氣評花寄史才隣翁攜酒到一笑更銜杯

宋玉臨江宅誅茅舊掩關眠雲參白業醉月補紅顏故國桃花水詩人飯顆山幾時騎瘦馬吹笛夜郎還

閒庭此臥遊慢水對悠悠有夢花窺榻無人月占樓夜香飄似午春意澹於秋一片瀟湘思王孫不自由

銅鼓迎神曲村村社飲餘賣薪山店遠春米水樓虛曉瘴先中鳥春潮自上魚承平瞻近象甘老百蠻居

棟風吹不住池館絮痕飄蛙怒爭三國鶯啼事兩朝方因

丁戊之間行卷

卷七

六

醫樹寫表爲救花燒漫問東皇事吾生亦寂寥嫩寒先草閣一雨助江深塘襯疎衫色梯傳遠屨音梅天

紅易變蘚地綠如沈纔信蠻山裏無雲日日陰跛腳支窗坐倏然一石牀殘棋爭楚漢野服夢羲皇月路

輪千轉雲情紙半張却憐幽絕處亦自有炎涼賈勇驚秋日偷閒看曉星火攻蠅族赤泥飲蟹衣青絲雨

旋飄瓦羅雲不滿屏招涼珠可覓但讀淨名經重到藕絲鄉含情隔浦望開紅尋舊夢涼綠掃新妝月鏡

千花色風簾一水香惟應楚騷客解道製荷裳海上歸來後松濤夢不驚詩成秋一派話到月三生側耳

聽泉語低頭讓葉行蕭然支木榻物外本無爭山村遊眺處數里接田謳食薄狙相賊年豐犢不候桃花

忘晉魏草屋定孫劉那有浮雲慕閒居事幽
小雪幽窗坐紅泥擁地鑪折腰孤竹肯對面一峰無芋火
前生佛梅花絕代殊呵寒一磨墨集句寫桃符
破視烘何用名心早欲冰水仙清作伴冬土瘦於僧引被
藏溫麝鑊窗釋凍蠅忍寒聊夜讀閒點栗花鐙
明月冬花裏幽香自一家鬪雲鄰送笥浣雪婦煎茶綠鳳
何妨瘦紅羔亦覺奢此生閒處好飲水讀南華

丁戌之閒行卷

卷七

七

丁戊之間行卷

漢壽易順鼎寶甫

詞

瑞鶴仙

杏花時節人在江南春雨乍晴暮寒猶峭製此詞向湖
橋酒樓歌之

賣花聲過否掩屏山峭寒初逗笙囊嫩涪繡倩瓊簫吹徹
小梅春透旗亭坐鼓更慵向江南問酒又怎知昨夜東風
有箇倚樓人瘦 前度調鸚院窄門鴨塘寬幾番攜手芳
期漫數相逢在燕歸後判殘紅飄泪暗黃侵鬢愁似綠楊
依舊約甚時同翦春鐙雨窗薦韭

醉太平

眉煙一稜臉霞一層花邊夢不分明倩鶯啼喚醒 新恩

丁戊之間行卷

卷八

舊恩深盟淺盟因循過了青春問而今怎生

滿江紅

題秦淮畫舫錄

丁字簾前重指點六朝鐙火憑喚起舊家鶯燕紅酣翠妥
夢雨秋迷桃葉渡情波夜定蓮花座便修成仙佛也生愁
雙眉鎖 扶不住雲鬢禪逃不過霜豪浣怕神絲被冷荷
盟都左寫到脂痕湘管在證完口業泥犁可約英雄兒女
共逃禪蒲團坐

尺八瓊簫算不與鶯花墮劫儘分付才人筆底春魂飄瞥
詞客有靈應識我書生薄命真同妾把鬢絲禪榻舊心情
和君說 謝娘院鴛塵歇秋娘渡鷗波咽刺青谿隔雨紅

橋支月懺泪無功聊懺夢傷春已誤還傷別記秦淮水榭

上鑑時箏船發

蹋莎行

淺碧牕疏深紅路隱傳來燕子歸期近和煙和雨畫池臺
笛聲不喚垂楊醒 卯酒初酣午妝還靚賣花人說春寒
緊夢無尋處只昔騰一鷓鴣斷樓陰暝

百字令

題長沙曾貞女事步芷澂原均

梧宮冷月把秋心鎖任幾重簾幕寫韻生涯殘本在肯負
文簫舊約倚竹天寒牽蘿地悄翠袖盈盈薄藍橋斷了瓊
漿那日曾酌 誰憐一曲橫塘風波來往不信菱枝弱喚
起湘娥深夜語彷彿雲和響作鏡仄鸞愁絃么鷓鴣怨別夢
迷蒼壑譜成彤史璇閨芬烈如昨

卜度之間行卷

卷八

采桑子

細桃花下畱春任春又匆匆嫩翠愁紅消得簾鉤昨夜風
樓陰壓夢無尋處閒了遊驄冷了吟蜂險被春愁誤煞
儂

菩薩蠻

玉篴響動文牕鎖郎來故傍紅鸚坐貪看碧桃花險些忘
卻他 夢嫌簾路窄春影層層隔儂自要銷魂嫩寒深閉
門

賣花聲

深鎖一重門翠被慵熏病來和夢說温存不是紅鸚牕外
語忘了殘春 喚起倚闌人尖裏羅巾東風小別替傷神
悄地細桃花下站獨自黃昏

大酺

王夢湘下第出都賦此調畱別卽用余橐中原韻春去
尋春客中送客朝茵白日相對黯然因次前韻畱之無
當贈言絮愁而已

怪惜春詞悲秋賦毫端寫得無據君歸仍是客儘瘦鶻啼
遍故山何許慘綠華年悼紅芳泪誰念京塵行旅俊遊儂
亦倦把悟後風光玉簫吹去但記取今宵幽坊月暗翦鐙
人語 香驄門外駢驚飄泊一例花辭樹漫回首鳳城樓
閣影事曹騰隔花便隔人天路恨旗亭那角偏遮斷夢來
尋處還賸維摩舊侶病榻茶煙定了禪心泥絮者回又傷
遲暮

憶舊游

丁茂之問行卷

卷八

三

申浦訪雪貞校書聞已玉容有玉賦此寄何詩孫

向銀缸喚酒錦瑟裁詩萬感依前綠葉成陰早算尋春有
例又誤樊川凌波舊鷺辭鞍湘夢悄難圓負一鏡芳襟一
鏡清影一箭華年 丁簾隔春遠料嫁後雲英瘦損誰憐
寄語君翻屣勝青琴 弔月紫玉埋煙闌紅單舸何處吹笛
嫩涼天聽唱到吳孌瀟瀟暮雨來繫船
水調歌頭

青谿小住畫槩迎潮製此詞倚櫂而歌之如向廿四橋
頭聞簫聲隱隱也

曾過蔣山否煙雨怕登臨六朝殘夢何處鷗影臥秋深多
少龍蟠虎踞多少鶯啼燕語流水杳難尋湖爲莫愁好
碧到如今 臺倚鳳洲呼鷺峭寒侵消他幾度斜照換盡

綠楊陰可惜江山千古輸與紅簫尺八不付劫灰沈四百
畫橋月依舊盪波心

高陽臺

題李右橙漢皋怨詞用小長蘆咏葉元禮事原均

鏡屨抽塵鈿扉掩月謝嬈庭院落深那角紅墻層層隔斷
春陰簾波織得愁如海更無端添箇冤禽悄難禁顛顛文
園病雨秋衾妝樓幾度斜陽換甚湘天鎖恨一碧沈沈
翠檻驚鴻依前照影江潯瑤嶽待寫芳皋怨又西風冷到
琴心鎖愁吟畫裏重看夢裏重尋

齊天樂

爲王種楞題美人畫幅

緋羅坊畔東風緊臉霞偏又吹聚小卓蛟絲高樓鳳竹約

卜度之間行卷

卷八

四

畧釵光如許管城春雨寫一段湘天二分愁緒淡擁螺山
翠痕爭向筆尖舞羅巾此吋慵裏讓鸞環月子偷學眉
嫵酒後橫陳鏡邊側看猶勝上顏摩土簫臺夢苦怕汨泥
秋奩壞妝艱補只隔些花春魂聽欲語

賀新涼

立秋

賦就梧宮未鎖銷凝刺桐庭院嫩寒如水中悲秋湖海
客夢與碧雲無際把一段湘魂喚起回首西園芳讌杏怪
金尊早換炎涼味人正在瘦蕉底鏡鸞昨夜微塵鬢算
輸他玳牕舊扇伴儂顛顛知否江南歌白紵落葉長干十
里寫半幅吳箋悄寄聽徧霜鐘初入定道而今不恨秋聲
矣應冷盡惜花意

水調歌頭

賜閒湖有煙柳數株每當蘋飈告淒不能無蕉萃迷離
之緒斜照無語微波可憐話春夢而已闌寫秋痕而彌
瘦紅橋翠檻渺渺兮余衷也

依約白門路吹透玉簫涼闌干卍字曾倚秋影壓波荒憶
自湘麋瘦損誰把畫橋疎柳愁得者般黃流水送蟬語容
易又斜陽 靈和殿章華苑永豐坊而今休問張緒休問
杜秋孃堤上香驄何處有箇捲簾人待煙雨悄相望界破
一條綠無夢到紅墻

唐多令

由湘灣汎舟歸里

蟬咽水亭幽帆遲爲雨畱做涼波催送行舟一笛吹來楓

下戛之間行卷

卷八

五

葉響人正倚隔江樓 芳事夢中休箏船幾度遊許多情

拚付殘秋渺渺相思愁歲晚憑喚起舊盟鷗

浣谿紗

彩鳳孤飛去未還刺桐花下掩朱關舊巢秋冷碧雲端

金鏤幟來曾此夕玉簫吹到是何年丹山夢在有無間

霜葉飛

悼王芷輪用玉田集中韻

紫簫吹杳湖橋路者回驚換煙草小山桂隱漫重招奈故
人裏抱記幾度斜街月曉逢君不分今生早趁勝流星聚
慣驅使青春年時醉語堪笑 誰念歸也無家瘦鷓聲裏
蹇蹻空踈殘照便騎笙鶴上瑤天帶軟紅多少還怕是鬢
絲催老玉樓先有秋風到休再問黃墟酒陣花圍夢都荒

了
憶舊游

正新涼款蝶舊韻拋蟬畫臺添修冶思銷磨盡向湖橋喚
泗此意悠悠簾陰悄垂細雨無處問妝樓怕路仄紅牆波
平翠檻望損湘眸孤舟泊江岸聽斷雁箏絃似訴漂流
因甚芳悰減賸題牋桂館譜笛蘋洲楚衣待將荷翦零落
一身秋又到了重陽黃花滿地都是愁

高陽臺

翦秋巢分咏秋聲得雁聲

暝夜敲窗涼波夏艣嫩寒先到吳舫幾度箏篷如何綠鬢
都星曉風殘月添唵伴問者邊多少長亭又催成江北江
南煙雨冥冥遊蹤悔被霜期誤向關河喚夢冷顛鐙青
水壘雲重蒼茫寫上詩屏天涯無欠秋聲處最可憐偏是
湘櫺酒初醒一帶妝樓有箇人聽

南鄉子

雄溪九日

人影瘦於秋和雨和風共一樓難得尊前開口笑都休醉
把黃花插滿頭佳節尚淹畱聽雁青篷昨夜舟重向東
籬尋舊夢悠悠病蝶寒螿各自愁

木蘭花慢

芷澗道兄重遇榕城又將別矣賦此詞見贈因用原韻
聊一繼聲小市秋空山樓歲晚鷗邊話雨雁外呼雲向
涼楓暝竹中倚而歌之詒鷓爲衷抱也

江湖風味慣聯舊社蟹初肥把泛剡清愁唵湘斷韻寫到

煙隄鞭絲竹王祠下算青山未似酒人稀關月夜吹笛去
海雲秋送帆歸 年時茅店感聞雞纔換芟苜衣趁佛火
經聲仙塵夢影小賦幽棲馬蹏又敲黃葉指天涯一半是
斜暉明日釣船開也冷楓紅盡漁磯

前調

送芷澂供職入都仍次前均

仙萍紅不定分一道海雲肥向蓬背呼鐙籬腰問酒小立
江隄蠻谿夜闌話雨說京華別後尺書稀萼菜尋驢信阻
梅花跨蝶人歸 它時紫陌聽鳴雞應更換春衣料妄想
珂風敲詞壁月禁樹堪棲相思待唵秋句怕蓬山無夢到
斜暉寄語豐臺俊侶而今醉臥苔磯

前調

丁戌之間行卷

卷八

七

芷澂別後忽從途中寄詞來仍拈是調並用原均噫榕
車二水浮來天外之書荆筑萬山遮斷夢中之路五更
店月初動雞聲一尺關雲欲連馬色辭梔落拓觸緒羈
孤而乃垂念故人遠頽新什魚波雁路門無恙之嗔身
象管鸞牋索相思之秀句傳茲素臆只託細毫譜入紅
腔都含墨泪曉風唱處定煩二八女郎宿酒醒時又隔
幾重山水僕齟慙下里儻效西家勉復繼聲聊將贈遠
比柳色渭城三疊代棹花江路一枝

維摩禪榻畔花雨瘦藥煙肥正落月屏遮停雲館閉望遠
湖隄一枝忽傳瑤訊說江南棹影近都稀天外有天客到
夢中如夢春歸 何時竹兔杉雞邀俊侶著初衣又款出
鷗盟游紅蝶約寫向羈棲蓬萊散仙飄泊怕故山兜率但

斜暉換卻珠宮雪舞依前緝釣蘋磯

國香

靈檀几側供湘蘭一枝孤花忽開絕世無偶日與之同
思而各影者余也江南桃葉小別多時山下蘼蕪相逢
一笑未免徘徊何止渚惆悵東風尋鳳鞵以生塵感鸞旗
於斷曉春簾祕館楊白花來暮雨靈祠杜蘭香去而況
天寒水遠歲晚江空渺渺愁人息息寄語回憶湘波成
雪湘夢如雲得母有傷秋士之生平而怨美人之遲暮
者乎用賦此詞爲蘭仙破涕云爾

步冷秋塵又曉風波路鵝管吹春曾來水仙王廟簫鼓迎
神珍重年時影事賸湘天一碧如雲飄零夜郎遠倚醉相
看都是愁身

丁戊之間行卷

卷八

八

翠薄猶帶那日啼痕重翦殘燈話雨似江南花落逢君芳
襟感遲暮聽雪山樓坐擁涼衾

西子妝慢

紀夢

狸夢侵涼鳳音傳恨人坐隔花牕戶秋星夜夜伴憑欄悄
相思嫩寒波路青鸞訊阻怕珠海孤帆難渡話離悰正仙
蓬挂月鬼桃吹雨幽盟誤舞罷霓裳飄泊都如羽一鏡
搖碧出樓陰認璇宮那時煙樹簫臺別苦彈泪到千紅深
處勸儂歸似說花天無主

古香慢

憶桂詞用吳夢窗原韻

身雲冷麝眉月暗蟾墮夢湘浦鏡擁啼妝愁照涼波欲暮

託命向西風奈上界殘霓斷羽甚廣寒舊樹搖落璇妃身
世尤苦 記曾問花天深處一碧秋魂飄泊誰主百感幽
香肯被點塵紅誤倚醉話無慘怕容易仙翹顛露寄瑤華
悵今夜小山微雨

丹鳳吟

憶鳳詞用張蛻巖原韻

浩枝啼鳥記窺樹悒悒翠鬟猶小綠泪彈多不似逢山春
笑水邊峭寒籬落倚東風玉人愁曉欲寄相思金沙路遠
鬢碧雲多少 念海仙魂挂斷霞杪月下人歸鸞訊探情
茜雪孤飛冷說舊巢香繞花天漫尋影事被紅簫盡情吹
了怕到羅浮夢醒一聲聲都杳

浪淘沙

丁戌之閏行卷

卷八

九

水仙

弱水喚靈帆詠杳青鸞五銖衣薄怯憑欄昨夜海山風露
氣涼透雙鬢 波路碧如煙羅韞生寒點塵紅不到湘天
一朵仙雲飄欲起偏墮人問

金縷曲

戊寅元夕

驀地東風起又催成最無聊賴困人天氣年去年來都休
問但以愁爲甲子應付與冷唵閒醉天外梅花遊仙夢凍
雲堆擁出春如此塵海事一悲喜 俊遊情緒分明記舊
行春滿城簫鼓鐙樓十里細雨輕寒江南夜響竹敲殘臘
尾有幾箇小門深閉笑語沈沈春簾隔想殘妝正倚熏籠
睡今何夕悶而已

沁春園

小齋開同心蘭一枝爲賦此解

草紅心即花素心即同心此蘭正倚篁幽泣邀回露眼窺
蘿靚笑對鞞風鬢何處神君舊家兒女一碧湘魂欲化煙
東皇力讓靈均今日清豔能兼紫釵敲韻珊珊漫分付
籠鸚說曉寒儘捧當怨雨曠原非效印來香月夢不成單
秋土年華春人影事從古雙修福慧難真閒也算相思北
渚稱意西天

蝶戀花

碧玉情人初十五生小江南險被春愁誤纔說郎心同妾
苦心頭便有郎來任難得相逢通一語癡立花前占斷
春歸路莫倚東風陰夢雨怕他飄盡華年去

丁戌之閏行卷

卷八

十

徵招

紅梅

闌干一角天西路亂霞中有人倚纔別燄摩宮帶二分虹
氣玉顏春半醉怕病酒年華似水疊疊紅羅銷魂畫出南
唐亭子低唱暗香詞妝樓遠曾向花前彈泪吹瘦千年
簫甚東風如此山扉和夢閉更無奈翠禽啼起要堅忍今
夜春寒話絳仙身世

高陽臺

寄張蔭廬卽用其語歸贈內韻并原調時張在白香湖
笛尾攜涼篷腰束暝半江離色平分桃葉歸來嫩紅銷盡
湘裙蠻山賸對孤花在瘦東風吹不成春黯消魂十載清
愁細與鶯論白湖煙水都梁月寫詞仙別後無恙嗔身

話兩年華依然酒冷鏡昏珠簾休問揚州夢怕妝臺有箇
人嗔渺停雲尋到天涯一角樓存

陌上花

見菜花感賦

峭寒闌角銷魂曾記玉笙吹暖搖夢天涯瘦盡東風如箭
花邊胡蝶飛成陣茜色滿衣初翦算傷春困酒年年等是
病黃生面江南晴未穩鈿車過也陌上人歸應緩官路
斜陽畫出一程程遠幾家籬落和愁閉有箇翠鬢低顫甚
迷離催換園亭煙雨嫩鶯坐晚

鑠臆寒

春寒用玉田體

淺履敲苔深鏡翦韭水隄還凭歸來燕子社事和煙俱冷

下及之間行卷

卷八

十一

似斜街柳家掩扉賣花聲裏東風緊有誰知昨夜寒多曾
倚被鴛雙忍殘粉衫痕凝又碧桃巷溼綠楊天暝春愁
次第都讓小樓收盡約海棠今宵半開嫩紅一簾停夢等
最無端悶了芳驄江隄晴未穩

南浦

春水用玉田韻

昨夜翦鐙曾甚和將夢雨盡情流時波鏡背東風猛吹上
一尺碧雲難掃重來喚渡文鴛不歸當時小斜照年年依
樣綠鑲定暮帆煙草銷魂野水家家問殘紅何苦相隨
未了倒影幾層樓這闌角可有春尋到蘼蕪望渺浣紗
人去江南悄漫爲愁名心載酒天上畫船都少

百字令

花朝日雨大人攜家遊五榕山滄江遇雨小憇山側觀
音閣歸用忠雅堂體賦二詞

諱春頗甚被啼鶯猜臧百花生日雨連江尋夢去瘦盡
山眉黛色時暖時寒乍醒乍困天無人無力東風如箭踏
青今歲難必忽然電母迴車山靈投刺也怕春光棄山
亦蒼生相望久用着謝家之屐畫鴉雙行香輦幾隊補盡
蠻天缺一家人影此江真與同碧

說晴定穩不限防春雨者般廝守山也過江青已近驀地
似和雲走峭閣盤丹竦榕隱翠小坐埋魚右煙嵐萬疊忽
驚笑語吹透人疑上界鸞籠下方狝犬拔宅今成又眷
屬居然仙佛樣來向蓮華稽首花重二春萊親百歲一例
人天壽湖山何幸遭逢也算非偶

丁巳之閏行卷

卷八

漢宮春

憶春明舊遊

曾幾何時記吹花小巷踏月斜街醉題四家樓上俠氣仙
才軟紅如霧又玉驄蹤迹難猜收拾起一雄舊泪黃金鑄
到豐臺因甚落魄蠻江但書因雁誤與駕乖香名料
提伊口笛伴箏儕春愁海樣費工夫占得些來儂只恨朱
簾天半東風多事吹開

無悶

聽蛙聲悄然賦此解

星閃濃青風暈淺黃山影層層壓重正一汀池塘暝愁搖
動木杪銜痕綠處怕此夜高樓難成夢更坐久替誰喚
起嫩涼相送籬空含幽諷記月黑江南悄無人共又聽

到蠻村水田新種暗裏催春去也算未抵花前鶉聲痛能
幾日過了清明梅雨漲天無縫

醉太平

朱門掩重朱簾卷重小樓癡立東風悄無人伴儂
衫兒
醉鬆鬟兒睡鬆海棠落了輕紅是愁中夢中

湘春夜月

二月十五夜月

甚今宵憑空喚起無聊肯把半角高樓守得這般牢休說
一春難遇使百年幾个月夕花朝怕東風暗到廣寒宮裏
桂長愁甚 雨絲飄後洗成嫩碧玉宇迢迢知是那家庭
院有小鬟吹笛勸客魂銷魂銷亦福願年年此夜相遭真
不睡讓鐙痕似水花光若霧酒思如潮

丁巳之閏行卷

卷八

三

前調

三月十五夜月暈

記前宵也曾照破無聊誰選尺二情天寬畫廣寒牢爲有
數層雲氣更數層風色料定明朝問紅窗鐙火勸人愁死
著甚根苗 去年今夜重城黯黯故國迢迢難得一家人
影把老蟾清泪點滴都銷悄團圓坐覺空庭水氣周遭仙
夢醒訝何方笑語飄來上界幾陣如潮

虞美人

情波碧了來時路生送華年去元壇仙子舊垂髫別後也
應吹會上清簫 瑤天風露秋如海有箇高樓在紅闌中
字月當中不識夜寒清倚更誰同

金縷曲

丁丑四月下第南旋與盧德生張蔭廬王翁湛熊叔雅諸君同買潞河歸權今屈指一年矣德生歸里後旋即病物而蔭廬等天各一方愁病如余其何以勝此離合之感耶因作潞河話雨圖填金縷曲三闋誌之流連鴻雪根觸燕雲

滿紙荒涼意想其間黯然銷者別魂而已却怪老天才思窘無地將人安置教檢箇船窗獨倚中坐悲歌多少客到江湖誰說非兄弟有如此潞河水 提鐙共買春醪醉記叢叢水荳花外峭帆收矣夢醒三更寒特甚一陣夜烏啼起怕換了京華酒味月地花天清泪滿便歡場沒處生歡喜何況在斷蓬底

一樹初黃柳到天涯一番展卷一番回首紙上鷗波曾照

丁戌之間行卷

卷八

十四

影綠鬢絲絲都醜算不是江南載酒錯把曉風殘月句向旗亭唱破雙鬢口穠自作自承受 當年坐雨蓬腰漏費工夫結成愁伴與鐙相守我輩狂蹤無着處兩字才名依舊要歸享荒山做帚今日披圖添悵悵許多時面爲觀河皺只少箇畫中友

前調

題兩當軒詞後卽用其贈汪劍潭韻

似此難安放算才華九天九地世間休望畢竟彼蒼相忌甚少箇容人之量說破了漫教惆悵十二萬年仙鬼劫到碧桃花落身同葬君不見海波蕩 夢君昨夜交高樓上問吾儕鸞飄鳳泊有何情況莫話茫茫才子事自古多愁多恙總不出這條門巷煩向玉皇通一訊甚牽纏未了傷心

帳歸去也踏雲響

擲筆千花放覺差強杜陵野老白頭唵望畢竟文人無上
壽幾箇修羅身量累吾輩替他悲悵三十年華塵與土算
難將兩字才名葬風月夜古魂蕩還君位業瓊樓上勸
從今鬢絲珍重莫添愁況一種悲秋兼病雨怕是神仙通
恙天盡虛白楊如巷賣履分香都氣盡便英雄也到西陵
帳秋墳句聽來響

無處容疎放問迢迢玉樓十二幾人相望水樣才名花樣
命那更情深難量論才子理應惆悵字字風花和泪染料
心頭早有春來葬非僅爲詠飄蕩別君數日衙城上不
隄防歌離弔夢與君同泥禪榻光陰休問我總是維摩舊
恙誰耐聽賣花深巷徑擬海天高唱去抱青琴闖入鮫宮

丁戊之間行卷

卷八

七

帳擲此卷定奇響

洞仙歌

初夏卽景四首

送春歸也正園扉悄掩短夢支持被鶯喚且鑪煙試茗瓶
水安花甚天氣又到日長人倦那回攜酒處哭罷殘紅
再哭華年暗中換休上最高樓春去樓空一半是燕泥堆
滿不埋怨東風惹人愁反對着東風者般畱戀

鄰園半畝讓遊蜂歡喜罌粟濃時盡來矣怎孱風葬綠猛
雨塵紅能幾日黃菜花開滿地閒憑亭子望牡蠣牆高
一陣東風換人世詞客感三生物變星移却不道花猶如
此便他日登臨眼休開怕這點滄桑總難迴避

涼波下上有羅雲碧縷一朵蓮花便香透訊聞紅雙舸慘

綠單衫當日箇曾賦佳人雪藕 蘋鄉清絕處比似江南
只少沿隄水楊柳認得舊文鴛照影年年怕不等秋風先
瘦向煙雨中間聽菱歌問歸計何時五湖三畝
小庭坐久忽流來涼月如積千年萬年雪正輭紅地少嫩
碧天多到此際全沒一絲兒熱 夜寒誰倚樹夢影仙塵
玉斧吳剛感遷謫吹笛上南樓竟夕徘徊有一種秋心難
說待商畧騎鯨水西頭倚雲海蒼茫問他生滅

金縷曲

感舊贈余氏兄弟二首附致雲卿丈書後

詎向鄖陽道有傷心荒原一帶高樓斜照差幸當年無意
緒馬上征人太小省多少閒憑閒弔數遍古來飄泊者到
天涯畢竟輪儂早算已是倦遊了 君家閣上灘聲鬧共

丁巳之間行卷

卷八

夫

商量竹弓射鴈花細捕蚤水遠山重知幾疊着箇兒時遊
釣回首覺亂離都好莫話十年兄弟感怕江湖一半垂垂
老寫不出舊時稿

忽廢書而嘅與諸君一番年少時乎難再畧記呼朋馳逐
處竹馬班衣小隊是今日狂奴故態幾寸花箋名字寫料
多時紅照滄桑壞思往事總堪愛 行歌坐哭蠻天外儘
追尋別來風雨三生如晦何日西窗同翦燭博得黯然相
對要如此銷魂纔快便踏空青尋夢去到萬重煙水千重
塞應尚有泪痕在

水調歌頭

初九夜對月清感緣景以跋韻賦之

半輪依樣月一塊奈何天猜他有甚情緒繫住數千年祇

覺寂寥孤立未免蒼茫四顧身世者般寒積氣白如水人
坐海中間花影下呼月子尚堪眠畱些缺憾纔好休要
盡情圓曾照何王宮殿更到誰家庭院怕也記難全遙夜
倚雲問瘦了箇嬋娟

聲聲慢

與蔣次香夜話江南感賦

春雨飄鏗秋星灑被難忘水上樓高守着歡娛思量怎到
今朝誰料箏篷酒醒向壘天獨聽寒潮纔提起這江南兩
字已敲魂銷聞說青溪月冷便君家小妹任也無聊何
況清遊偶然吹過紅簫一幅布帆搖曳認分明不是鴛鴦
尋夢去到垂楊一十四橋

酷相思

丁巳閏行卷

卷八

七

題紅梅帳額

玉笛三春吹不落曾夜把殘雲嚼直紅到羅浮天一角人
睡杏花初覺花睡否人初覺世界燕支容易着嫌縞素
衣裳薄怎仙子也將時樣學悄地讓仙郎索驀地怕漁郎
錯

鷓鴣天

有憶

黃月如眉上一鉤櫻桃花裏客畱夜鏗似水搖難定春
夢和雲散不收貪握手卻迴眸情波畫出別時秋消他
眼角些須惠博得心頭爾許愁

暗香

詠桂

碧雲路永歎夜深徙倚瑤情難贈玉手搗霜悟後狂香也
飛定金粟堆中小立從空際飄來仙磬要耐得水樣寒宵
偷翦露黃冷 妝褪曉不整向一尺輓波獨自窺鏡怨蛾
隊暝鎖夢秋山古落淨開到淮天盡處還怕有騷魂私等
又寂寂涼吹晚雀屏顛影

疎影

前題

瑤華寄語正碧山喚起仙夢如霧翦碎秋心寸感難銷微
熏冷墜悽苦金風翠雨全身溼渾不見花魂來處待問他
小謫根由頭白廣寒宮女 惆悵蛛絲薜榻嫩涼過幾日
霜訊飄羽一角蟾天似有低鬟悄倚縣香幽樹殘煙剩水
年芳在算錯向影娥池住自甚時都沒行蹤付與暗塵爲

丁戌之間行卷

卷八

六

三

金縷曲 三首

合肥徐先生子苓工文章善書張君子蕃至交也嘗同
避地皖江腥風毒雨中拾橡悲歌相依爲命今已二十
餘年音塵濶絕乃取臯者所得手筆裝演成弓爲之徵
題其學於友誼如此卽此足以傳徐先生矣君先有題
詞一闕因用其調并次原韻

風雪呼安道記那日孤舟感事江花江草細雨春寒漁村
路一幅移家畫臺曾幾上通天臺表水火于戈中出入只
文章血性真奇寶從虎口發高調 吉光片羽休嫌少得
良朋者般珍重墨痕都笑但使今生逢知己那怕三生潦
倒畢竟是才人命好三復遺編三大息有吳門暗泪蘇門

嘯幸不共劫灰掃

往事君休道甚模糊一分戎馬一分煙草唱罷南朝家山
滅樂府愁繡舊臺猛回首亂離江表無限少陵身世感向
啼鵲灑涕談天寶已略變盛唐調雲萍散後音書少猶
彷彿圍城歌哭朋尊歡笑三十年來文字飲幻得風顛月
倒總不似皖公青好問訊竹寒沙碧宅怕騷魂容易秋墮
嘯花落也有誰掃

說與人知道問因甚故人散雪文人宿草此客居然求馬
骨權當千金賦臺還悵望停雲八表中有屋梁殘月在便
容賤沒字都堪寶何況是古時調九州未恨交遊少只
怕對茫茫塵海無端啼笑似此高歌同患難元白眞教歷
倒從過後思量戒好烽火關山如夢裏念生平我亦悲而
嘯鉛樣泪不能掃

丁戊之間行卷

卷八

五

丁戌之閒行卷

漢壽易順鼎寶甫

南北曲

一半兒

題聊齋志異

涼鏡顛雨夢迴時始妄言之妄聽之紙上墨花濃欲飛境
迷離一半兒狐仙一半兒鬼

前題

靈談鬼笑任紛拏筆妙偏從癢處抓隻字不曾饒過他聽
無諱一半兒譏嘲一半兒罵

梅意

翠禽無語鎮惺忪黃篔篋三間雪裏濃此去斷橋東復東曉
雲空一半兒詩情一半兒夢

丁戌之閒行卷

卷九

檢舊衫感賦

春明兩度少年游敝盡荷衣典盡裘賸有此衫相伴愁舊
痕畱一半兒京塵一半兒酒

題陳迦陵填詞圖爲張養如作

醉花陰

洗罷疎桐補清課問誰擁桃笙嬌臥牋待拂墨停磨着甚
來由苦把湘臺流且莫倚玉簫吹怕驚得花邊夢兒敝

喜遷鶯

香肩斜鞞認頰潮紅暈雙渦瞧科是生成瓊裝玉裏只一
霎沈醉東風面已酡怎禪榻光陰剎那厮赶上散花天女
常伴病維摩

出隊子

紅酣翠妥費心情，獨自哦。猛可的江南唱到定風波，猛可的天上聽殘水調歌。要守定關干人兩箇。

刮地風

因甚的趁秋風，換了南柯。因甚的尋春夢，誤了東坡。莽風流自古受多磨，寫生時已曾經過。他擁越被朱顏，婀娜他倚胡牀，綠鬢婆娑。到底來鏡中花，水中月，幾曾真箇空。則是展鸞綃，揮象管，費他年醉眼摩挲。便新詞儘向旗亭播，怕再世雛鬢髮也皤。

四門子

算髥翁豔福，真無那譜。烏闌傾白墮，也不患才多，也不患情多。到換羽移宮，幾度過亭兒半荒墻。兒半趁把畫裏雙身牢鎖。

丁戌之間行卷

卷九

古水仙子

醕醕金叵羅，弔弔冷鶯花。有箇詩翁坐問問，問尊前月更來麼。尋尋尋卷中人相隨，可喜喜喜展琅函。兩曳煙拖怕怕怕，化銀盃粉殘香墮。老詞仙赴了玉樓科，俏佳人證了瑤池果。甚癡魂銷向畫圖多。

尾聲

幻影三生無處躲，休惹起看畫的更風魔。教說與小雲郎應識我。

粉蝶兒

丁丑重九前四日爲余二十初度，製此書感時在辰陽道中。

簑笠休拋，悔長安兩番西笑。趁秋深買箇輕舸，菊蟹杯莖。

鱸著圖些醉飽莽乾坤大抵無聊這緣由總難知道
叫聲

今日箇山隱隱水迢迢細熊細熊者秋光爲誰好猛淥來
綠鬢十年愁算和那黃花一様造

醉春風

麈麈閣要推翻鸚鵡洲拚踢倒元龍樓上置身高問英雄
可也少少敲殘一百八蒲牢唵完二十五楚騷遊遍萬千
重蓬島

迎仙客

泉明酒禹錫饒秋到重陽秋又老雨和風正厮鬧一事差
豪少箇催租惱

紅繡鞋

丁巳之閒行卷

卷九

三

新活計筆牀茶竈舊行窩禪榻書巢愁來悔不一肩挑江
聲今夜棹草色去年袍儘畱些雪泥爪

普天樂

想當初結客五陵豪走馬千山道曾過那唐陵漢寢蜀壘
秦濠也曾上江樓弔六朝也曾從海市窺三島斜街兩度
蹋櫻桃厮趕着好風光燕圍鶯繞聽憑他鶴謗猿嘲遮莫
放風流白石賦自吹簫

石榴花

向天涯打箇殘包蹤迹混漁樵脫紅衣免得畫圖描菜萸
休插帽醉倚溪橋引清尊避了箏琶鬧酒醒來何處今宵
儘悲秋宋玉猶年少怕唵成九辨鬢先凋

剔銀燈

醉呵醕醪濁醪陰呵長謠短謠也輸他士衡入洛誇英妙
也輸他鄧仲華拜袞助高也輸他金鑾召銅柱標俺這裏
算向愁城走一遭

蘇武持節

驀地月殘風曉替寫箇詞人照渾不是畫雲臺容貌隱山
林格調燭三條絃七條春婆喚醒東坡覺秋士聽殘井渚
騷筆悴花樵到今年送窮文十易稿

紅衫兒

跳出風花套領了煙波教名枉勞利枉勞總被鷗兒笑愁
可拋恨可拋過去因緣難找
煞尾

這魂靈多因兒女消這心思要把君親報這面龐看來時
了

丁戌之間行卷

卷九

四

也是箇神仙照俺有日尋着洞賓呵唱一隻道情兒歸去

關金經

題秋蓬聽雨圖

雁與新寒約鷗將舊隱招翦鐙獨自詔無慘潮流到泰孃
橋妝樓悄曾否夢吹簫

沈醉春風

觀音閣進香女件詞

聞紅舸須撐穩者踏青鞋畧放鬆些邀來南海朝賺得東
風嫖倚闌干且喫杯茶小坐天西水月家同稽首蓮臺座

下

前題

灑楊枝半瓶淨露擁蓮花九座慈雲人天渺渺因兒女紛
紛命甚嬋娟立地成神都是靈山現在身把一箇蒲團坐
定

丁戌之間行卷

卷九

五

湘絃詞

漢壽易順鼎實甫

癸酉至乙亥

曉戀花

春日題桃花源

鏡裏春山眉欲語十里空江紅遍桃花雨仙犬一聲天正
午白雲如海無尋處翦翦東風吹不任吹換秦時幾輩
漁兒女煙唱收帆迴別渚數枝柔艣搖春去
盛代本無秦可避今日漁樵舊日遊仙地小小滄桑經第
幾水流又到人間世古月一丸飄冷翠照見千年隔塢
閒門閉天外有天紅透矣桃花命竟長如此

點絳脣

燕子窺時東風不鎖湘簾縫春愁暗送押住眉尖重 屯

湘絃詞

卷十

字紅闌曲曲都如夢無人共小桃花影搖得香魂動

買陂塘

笑阿儂魂兒太瘦銷來無可銷者清歌曼舞尋常有莫放
閒愁相惹行樂且算絲竹陶情何必中年也流鶯低罵看
大白浮來小紅唱罷詞句付羅帕腸斷矣應是桓家子
野一聲檀板輕打無端觸撥歡場泪想到酒闌鐙施風月
話把泊粉飄香檢入烏絲寫黃金作孽要痛飲今宵拚教
醉死死便葬花下

柳梢青

送人歸蜀

匹馬穿花十年作客萬里還家蠶尾今雲峩眉古雪去矣
天涯霜衾午夜聞笳應夢到關山月斜金粟樓頭玉松

亭角我在長沙

減蘭

與石重夫師 夜話

吹簫吳市自古英雄皆若此漫想逃禪尚有恩讎未了然
大江南非才子誰知曾殺賊劍氣三分他日封侯讓與
君

南樓令

秋到舵樓尖波平溼翠嵌有冷雲黏住孤帆幾點瀟湘篷
背雨和別泪上青衫 剪燭共誰譚霜催洒力酣怎重衾
添了還添今夜蕙花明月裏吹笛到古江南

風馬兒

紅樓一角雨聲聲把酒也醒醒夢也醒醒羅帳有人扶病

湘絃詞

卷十

二

太亭亭聽聽

江南遠道正清清更山也程程水也程程

無奈曉風吹客又行行卿卿

上江虹

九日登定王臺

帝子臺高秋九月重陽天氣問幾處晚晴籬落菊花開未
藍澗唸詩詞客老白衣送酒先生醉只古人曠遠與牢愁
都成例 白雁過霜飛隊紅葉脫雨聲乍聽湘濤瑟瑟悲
秋之泪華岳持盞名士派彭城戲馬英雄意對西風一笑
把茱萸秋山翠

沁園春

癸酉秋闈落解

才耶命耶緣耶分耶何勞問天只華年易過怱怱十五清

班難則袞袞三千下第文章少年名字猶累他人萬口傳
回頭笑把幾場辛苦當作遊仙 閒來負手江邊要看盡
人家上水船儘吹吾帽落孫山而外讓伊鞭著祖述之先
慘綠衣裳愁紅鐙火橫笛高樓一惘然歸來也向秋風老
屋重覓蘿牽

百字令

麓峰秋眺

夕陽在地認衣痕人影與山爭綠已是秋光將盡了開遍
巖天晚菊紅葉中間碧雲下上着箇樵家屋輪他兒女能
消這樣清福 經過秋土祠荒夏王碑壞弔古愁千解眼
底千年成代謝幾輩牢騷如僕讀書煙明遊仙月冷靜抱
泉聲宿此間招隱願歌桂樹遺曲

湘絃詞

卷十

三

麓宮高處指遙天一白湘流浩浩砥柱長沙三萬戶不似
此間秋好如此江山幾何歲月都向愁中老半空吹笛僧
樓雲氣圍繞 且將上界星辰下方煙雨收拾歸裏抱莫
把登臨無限感換了尊前年少屈賈詞章朱張理學大半
知名早問來袖手暮霞幾朵紅梢

城頭月

靈均祠

荒祠落葉歌延地想見愁眉宇上帝無言美人何處湘水
流終古 鬼鐙數點搖秋雨薜荔寒如許一卷離騷夜深
時讀似共靈均語

四字令

冰輪一弦冰嶽七絃水仙花下來彈算知音最難 煙痕

翠巒霜痕碧闌秋霄風露高寒與嫦娥共閒
清平樂

倦修簫譜準得閒情緒數點冷螢青綠處搖得秋魂如雨
衾窩著玉成冰壓夢更闌不成纔要思量便黑小紅樓
上疎鏡

疎影

梅影用紅豆樹館韻

胎禽倦舞正幾枝照水寒意如許籬院黃昏不是虧他香
來沒箇尋處情僊萼綠妝成夜漫比到世間眉嫵只教伊
鄭重華年休讓玉簫吹去到此全空色相怕無多影事
也被春誤和病和愁成夢成煙畢竟有何情趣縞衣人遠
扉空閉剩茜雪一痕飄暮看萬山寒月如潮中有香魂欲

湘絃詞

卷十

四

語

菩薩蠻

落紅滿地香成陣東風吹得花心困愁殺惜芳人斜陽深
掩門人與春同命春去春人病無奈更銷魂泪痕兼雨
痕

買陂塘

自題天倫樂事圖

莽乾坤有情人少天心特使相撥守此一腔真血性萬劫
了無憂懼謀嫁娶使遊徧名山也要攜兒女墨花濃處到
地老天荒一家骨肉還在畫中住高堂上二老髮何曾
素年年青鬢如故蘭心玉色爲兄弟更指謝家之樹東風
駐只幾本桃花他日須添補畫師虧汝送上界鳳鸞下方

雞犬飛入白雲去

金縷曲

題桃花扇樂府

亡國談風雅莽乾坤風雲破碎飛龍戰野天子無愁行樂
耳如此江山都捨誰救爾兒孤婦寡燕鶯零煙月死賸
孤臣骨冷梅花下譜一曲泪如瀉小朝廷事堪悲咤算
平分一行歌舞兩行戎馬生死江南同醉夢苦被桃花誤
也紅泪向扇頭偷灑中有美人才子恨付烏絲并作滄桑
寫儂是喚奈何者

醜奴兒令

兩大人之黔中鼎以試事留湘賦感

鄰前長跪魂如醉感上心頭悲上心頭泪到湘天日夜流

湘絃詞

卷十

五

照人一樣關山月親在黔州兒在潭州祝汝團圓萬古

秋

萊衣要待明年舞椿定長生萱定長生預向離筵壽一觥

大江西上孤帆遠小弟隨行小妹隨行鄰下承歡代汝

兄

滿江紅

追憶舊遊四首

立馬函關看古帝王州無恙問何處旗亭睹酒雙鬢曾唱

紫塞三千楊柳路黃河一半桃花浪更西風驢背古長安

增惆悵金鑑錄褒賢相玉關曲思名將記幾番搔首定

軍山上穹據風雲王霸氣河山面目英雄樣聽大江流盡

古今秋聲悲壯

秦中

蜀道蠶叢是賤子舊遊之地曾夢到峩眉絕頂天風吹翠
丞相祠環松柏古錦官城鏤芙蓉媚最息息玉壘過浮雲
英雄氣 公孫井殘蛙吠帝子廟寒鷗泪嘆江山如此興
亡偏易薦甲裹來兵亦陡五丁闢後山都碎只供他細雨
劍門行詩人未蜀中

黃鶴仙人招我上江邊高閣不見年時吹笛梅花曾落
老子南樓興不淺先生赤壁遊真樂對一洲芳草忽生愁
才名錯 江夏譽成飄泊陽春曲都蕭索剩劫餘新柳武
昌城郭楚國君臣神女夢喬家夫婿英雄畧有隔江山色
送前朝青如昨武

蛇虎叢中那容得書生一介曾立馬荊柯江上辰龍關外
獮石撐空濤力陡蠻煙塞路山形怪甚浮雲萬疊擁邊愁

湘絃詞

卷十

六

乾坤隘 寫未盡飄零語償未盡牢騷債且壯遊此地夜
郎自大供奉竄來魑魅喜武侯去後風雲壞笑鞞刀帕首
走窮荒真無賴黔中

賣花聲

小影落金尊綠蘸眉痕東風吹急燕生嗔紅到桃花無縫
處藏了春人 舊曲慣翻新不動歌塵累儂于遍喚真真
分付秋波休更轉畱住些魂

玲瓏四犯

題欠如四兄秋隱圖

人海蒼茫算橋霜店月容易催老賸水殘山何苦費些鴻
爪不如緊靠柴扉要看盡古來斜照向青山黃葉中間尋
出秋心多少 紅衣偶把溪邊釣却不道楓人來早漁樵

野局西風裏便是天然之稟畫工多事傳眞反恐暗塵飛
到且共尋詩夢補幾筆西堂草

醉春風

夢比春寒淺人在芝田館碧城深鎖一重煙遠遠輕輕步
瑤階莫教驚起桃花仙犬錦字無心翦斗帳流蘇掩雙
鬢催上七香車懶懶生怕春人魂兒太弱被風吹轉
珠斗斜還整背坐紅闌冷雙星曾證那宵盟肯肯肯月弄
庭花教人疑是箇儂春影翠被寒拚忍其奈寒難盡步
虛聲杳碧雲癡等等幽夢重濃一聲秋雨無端敲醒
剗地風成陣吹斷青鸞訊紅牆抵是萬重山悶悶悶猜成
根由伊家緣故自家緣分月黑情天暈缺也無人問從
來好事說多磨信信信地老天荒總難銷此相思一寸

湘絃詞

卷十

水調歌頭

口號贈袁敬撫

富貴固堪樂貧賤且無憂名山高於華屋可以傲王侯堂
上六經諸史宇內羣山萬壑海外九神州收入寸心裏日
與百靈謀酒沾春棋銷夏筆唫秋封侯心事偶動耳熱
撫吳鉤戲綵老萊壽母舉案伯鸞佳婦眞樂破閒愁他日
相訪處泛宅五湖舟

摸魚兒

題荷池晚泛圖

指沈沈碧玻璃樣鏡中呼出涼月纔把斜陽生送了都沒
一絲兒熱香成國有一種秋心要與荷花說菱歌唱徹且
玉梳調冰銀鐙照水坐到滿湖黑回首看幾箇名場結

客黃塵衣上三尺誰似藕絲鄉裏住消受花紅水碧鷗波
澗算小小烏篷便是江南宇惹儂愁絕又采綠年年鬪紅
處處飛夢到天末

齊天樂

七夕

斜河界破相思路情波一痕秋小睡臉新開愁鬢舊彈料
是雲軒到了病愁多少合付與涼颼一齊吹掃天上人間
風光可惜不常好從來豔宵易曉再填橋幾度烏鵲應
老耕織神仙別離夫婦未必天孫真巧屏山坐悄累半臂
添來最驚寒早牆角幽花夢迴疎雨惱

沁園春

二友詞贈石重夫陳白巖

湘絃詞

卷十

八

名狀元孫不喜談文從軍戰場記樓船飛渡寒江慘白營
門起立殘月昏黃末路英雄一官江海吳市簫聲最慨慷
酒酣後每抽弧注矢思射天狼尊前莫問行藏且收拾
功名入醉鄉笑吾儕今日學書學劍中原幾輩稱帝王
二十年華萬千事業第一關心鏡裏霜相思處又雁聲湘
路潮信錢塘

公子翩翩挹秀西江標雋南州算深於情者交原似水悲
哉氣也君得其秋自讀離騷同耽奇服新製高冠號遠遊
輪君事爲貪臨粉陣嬾築糟邱

君嗜酒而余嗜色此所以不及君也

相逢

一笑悠悠且莫管他家擁入驕問既然修到通塵慧業不
應帶得洗馬清愁湖海中間兩人年少醉倚君家百尺樓
生平約有名山老屋東海扁舟

賀新涼

中秋

照賊乾坤悶算今宵人間天上平分秋恨十二闌干涼似
水中有箇儂閒凭心上着秋痕一寸萬古西風吹不落伴
山河畱得蟾宮鏡興廢事也難問 霜華勸染姮娥鬢倘
年年玉顏無恙那禁孤另忽地冷螢簾外綠搖蕩秋魂未
定又花影與人同困空際似聞呼月子料霓裳舊譜須他
正我欲向廣寒聽
解連環

登城南天心閣

秋容如畫有雁聲一派送將來也算不同王祭登樓指故
國河山這般清暇煙草連天過幾度稱王稱霸甚熊家締
造馬氏經營瞥眼飄瓦 今日客何爲者倚闌干提起數
千年話呼酒處秋與雲平更休要聽他江流日夜唵瘦西
風怕只是滄桑難寫又荒原斜照沈沈無言西下

醉江月

甲戌十七初度

重陽節近是湘中騷客縣弧之日墮地百憂從此始悔別
玉樓長吉秋士青衫春人紅豆著甚傷心極前途事黑倩
誰問箇消息 誰知好夢如煙華年似水轉瞬皆陳迹佛
地仙天何處也這點因緣未畢病裏求生愁中覓死天亦
難爲力菊花開了且拚痛飲今夕

湘天任久算有情山水無情歲月守著美人香草在強似
江湖落魄笛簾填詞箏蓬載酒來往煙驛園並非羈旅此

身總覺如客 眼底紅葉高樓黃花小院相對堪浮白
種秋風成共命記否去年今日一第天慳百蠻親老那更
流光瞥鬢絲禪榻華年兩字消得

浣縵紗

湘江舟行

十載江湖酒夢消短篷身世又今朝秋江催動木蘭橈
分手青山雲黯黯打頭黃葉雨蕭蕭一聲畫角送歸潮
陂屋三間放鳴榔空江幾箇打魚罾孤篷一點鬧蛾鐙
細雨黃花疎酒伴故山紅豆老唵朋隔層煙水喚難澹
澹極秋光轉覺濃水亭添上一分紅楓人斜立夕陽中
烏鵲啼殘箏館月鯉魚催起舵樓風碧天無分采夫容
幾點鴉飛淡墨天幘帆如箭暮雲穿一聲聲艣破秋煙

湘絃詞

卷十

十

眼底天長飛恨杳眉間地窄坐愁偏碧湘秋色在唵邊
不是江南載酒遊偶然吹笛向蘆洲此時鷗夢淡於秋
風色翦來三兩槩月魂飄滿一重樓遠山無語對人愁
碧盡湘天占恨多萬重明月萬重波湘花顏色似湘娥
桃葉江空愁讀曲竹枝調苦畏聞歌湘人情性奈秋何
斷盡湘流九曲腸漫同月子語淒涼輸他照影又成雙
一綠迷離楊柳岸千紅飄泊藕絲鄉和煙和雨畫瀟湘
水落空灣欲見沙裏湖風色暝魚又鷺鷺飛上白蘋花
浦口南雲濃送雁渡頭西日淡畱鴉秋光占住釣人家
獵獵船旗忽倒吹斷風聲裏立多時單衫涼透没人知
鐙影慘紅山鬼屋磬聲寒綠水仙祠一江如夢怕尋思
繫纜昏黃傍驛橋柁樓吹笛雨瀟瀟一鐙紅得太無聊

尋夢尋煙秋冷淡聽風聽水夜迢迢累儂到此又魂銷
金縷曲

乙亥元日時在鼎州

又到今年矣甚流光暗中吹過東風似水脫了青衫還戲
絲春在壽萱花裏聽爆竹聲聲不止笑捧一卮爲母壽倩
屠蘇淨把愁腸洗飲此者大歡喜梅花算箇眞知己任
終朝斷風殘雪閉門而已阿父天涯攜弟妹悵望二千餘
里想寂寞應無異此骨肉無端分五處猛思量舊恨重提
起倦且坐烏皮几

前調

老將

百戰英雄老向南山短衣射虎應弦而倒如此將才無用

湘絃詞

卷十

十一

處一代風雲氣小讓豎子成名去了嬰鏢據鞍空復爾故
將軍不畫雲臺表種瓜者青門道記曾放馬天山草贖
此日溪山驢背夕陽秋好照水頭顱千丈雪波底魚龍驚
攪野戍外角聲吹曉聽罷荒雞頻起舞撫瑀戈誓把煙塵
掃虎頭相已枯槁

前調

老儒

學究先生樣半生來青鏡黃卷烏皮絳帳三字頭銜窮措
大不諱寒酸骨相難得是斯文未喪一第蹉跎頭白早歎
磨穿鐵硯心徒壯功名路恐難望濟南博士江都相溯
流傳漢家眞派何嫌依傍辛苦儒林謀絕業全力名山休
讓覓冷蠹堆中同葬七貴五侯君不見牧豬奴轉瞬青雲

上得富貴且無恙

前詞

老漁

生死蘋鄉裏有同盟舊鷗三兩是他知己明月一江吹笛
響拏箇扁舟去矣或雨細風斜不止漁弟漁兄身世感怕
滄桑換到閒煙水漁兒女又如此 聯蓬夜火鐙成市正
家家柁樓炊飯酒香魚美袖手江天垂釣罷看盡來頭去
尾問順水順風能幾飛到浪花頭也白況禁他世上風波
起漁唱遠暮霞紫

前詞

老妓

無計畱春在聽簾前一聲杜宇喚他歸去多少鶯花都命

湘絃詞

卷十

十一

短散了彩雲無數賸憔悴章臺舊樹畱得縷金衫子在認
紅心眸點燕支汚風與月等閒度 秋娘老矣憑誰顧莫
思量琵琶江上荻花飄曙愁壓眉尖和黛重那有鏡中人
妒怕照影驚鴻相遇月地花天無恙否是當年一曲銷魂
處青衫客泪如注

柳梢青

玉杵敲霜藍橋訪月曾乞瓊漿最是難消花前睡態鏡裏
啼妝 江干黃竹成箱料錦瑟華年暗傷一點相思寄伊
無路何況明璫

憶秦娥

子規

幽魂咽東風萬古傷離別傷離別春江是汨春花是血

人家歲歲清明節關山處處銷魂色銷魂色紅時斜日碧
時斜月
清平樂

春波一頃曾照驚鴻影誰道銀河天上近不似紅麴太迥
重來欲問桃根流水無情送春惆悵箇儂何處半彎眉
月黃昏

謁金門

春山凍嵐氣如波欲動誰把春寒輕翦送壓簾簾骨重

花影紅沈窗縫落色綠浮籬空香怕燒多金鴨痛碧紗煙
入夢

摸魚兒

曉發鎮雄關

湘絃詞

卷十

三

挂征帆大江西上銅琶鐵板纔住酒醒今宵楊柳岸又唱
屯田詞句關山路有殘月微茫認得愁來處憑誰記取寫
羸影衝寒雞聲攪夢行到亂峰曙 戍樓上催落曉星無
數老兵起背鐙語萬山一罅乾坤臨人共亂鴉飛度敲戰
鼓指煙草連天尚想前朝戍天西倦旅把老屋書聲高樓
月色分付夢回去

臺城路

籠里道中作

五更夢壓關山重曉風鞞背吹醒壑裏雞聲巖飄虎氣人
與萬山俱冷前村尚暝漸茅屋晨炊樹梢青凝杲杲初陽
馬蹄踏碎亂峰影 時清邊塵久靜曠荒原廢壘吹角淒
警雨抱峰黃天歸箒黑獨鳥橫飛煙頂圖雲關近算瘴月

蠻花幾回相等萬里天西寒鴉將路引

圖雲貴陽省城外關名也

滿江紅

兆兒生甫九十日遽殤金竹寓中口占此闕以當一哭
三尺桐棺算也是人生一度想死去不如生好兒心應悟
白骨竟成飄泊鬼黃泉可有生還路問牂柯江水夜郎山
歸何處 誇麈鳳原難遇譏豚犬猶難據拚替他一慟兩
無十預半霎誰教量影現再來莫被輪迴誤檢落根藏箇
小身材隨他去

湘月

贈唐潯舫

楚中唐勒是景瑤朋輩靈均弟子家在碧湘門外住領畧
煙騷情思詞卷鳴秋酒杯問月飄泊愁鄉裏歌離弔夢才

湘絃詞

卷十

西

人通病如此

因甚王祭從軍襦衡投刺同倒天涯屐瘴

水蠻花枉題遍我輩幾行名字秋士傷心夜即搔首四顧
悲歌起布帆無恙與君行且歸矣

蘇幕遮

自黔歸赴秋試賦感

甚功名何意緒說到勞生總沒些兒趣二月行蹤三月住
四口黔關五月依然去 萬重山千里路驢背明朝獨自
和秋語我比殘鴉心更苦一點歸心却在天涯樹

金縷曲

乙亥除日樊城度歲作

立馬斜陽外問兒時舊經行處雪泥安在

余六七歲時在賊中歸經此

猶記白雲親舍近幾度倚閭而待今日更車驅遠邁十載

光陰俄頃耳只添些閒水閒山債說往事總堪愛 重來
倦旅愁難耐況禁他天涯除夕冷唸清話小店高城呼酒
去簫鼓春聲一派獨自與殘鑑相對莫向梅花頻索笑怕
江南夢醒都無賴明歲又蹇驢背

滿江紅

渡黃河作

眼底黃河已送盡興亡無數都付與夕陽西下亂濤東注
客子夢隨鷗鷺冷英雄挾魚龍怒把閒愁萬斛擲波心
奔流去 倚長劍妖鯨怖吹短角哀鴻顧更高歌擊楫片
帆飛渡劃破江山南北走浮來天地中央任問書生何處
覓侯封乘槎路

前調

湘絃詞

卷十

七

湯陰岳忠武廟

十二金牌天下事不堪問矣竟銷盡江山半壁西湖鍋裏
名父子全忠孝去小朝廷要英雄死歎從今寡婦與孤兒
無生理 朱仙鎮公營壘湯陰道公鄉里有精忠祠廟足
光桑梓白雁一聲天水碧黃龍餘恨燕雲紫待招他豪傑
兩河魂歸來只

百字令

曉風殘月歎天涯到處銷魂倦矣說到南雲親舍遠悔向
長安負米萬里題詩十年磨劍命也該如此儒衣僧帽是
儂前世行李 多少戰壘黃塵離宮碧瓦雨打風吹起
帶中原禁不得過客幾回悲喜土銼呼鑿沙坊問酒且醉
爲佳耳高樓橫笛滿天霜氣如水

